

晉溪本兵敷奏

晉書卷之五 輓奏卷二

一  
朔州發

京師東至薊州又東至山海關其地北面山川  
險阨綿亘餘即古營平之地

國家於薊北設鎮以控制外夷又於境外建瓦  
頽泰寧福餘三衛而以示羈縻為中國藩籬三衛  
夷人每歲入貢慶待有常規不可因其挾求賞  
喻常格而啓輕侮之心若入境寇掠備禦亦有  
常法不可輕議增兵而使百姓困於輸輓此守  
薊鎮之道也

為緊急邊情殺傷官軍事

參照蔚州一帶邊境地方先年建議相視要害設置  
關營屯聚軍馬遠近聯絡星羅碁布又推用總兵參  
將把總等官及鎮守巡撫官員整飭預備專為防禦  
寇賊保衛疆百餘年來窮寇零賊鼠竊狗偷時或  
不免未聞輕騎深入殺害將官如蹈無人之境如今  
日者也况訪聞馬蘭谷地方外隔重關自來並無達  
賊進入顯是參將陳乾平昔號令不嚴隄備不謹一  
遇賊入寡謀輕敵致墮賊計及鄰近關營把總等官  
視常怠玩并各營官軍內有役占賣放以致軍威不

振遇警失事通合究問及照總兵官遂安<sub>右</sub>陳德巡  
撫都御史王倬鎮守太監王忻俱職專總領紀律不  
嚴統馭無法亦含有罪合無本部鋪馬齋文交與陳  
德王倬王忻等嚴督所屬關營分守守備把總等官  
各要整搠軍馬加意訓練嚴謹烽堠晝夜隄防毋容  
怠忽但遇傳報有賊入境相機戰守互相策應務保  
無虞仍火速選差卒覺夜不收出境密切爪探花當  
男把兒孫等所領達賊如果見在近邊駐牧不敢要  
見賊衆或多或少寡仄探的確星馳具奏若是賊勢衆  
大不退本部臨時再議奏請發兵防禦其馬蘭谷已

死參將陳乾遺下該管人馬聽王倬等轉委謀勇官員帶管本部即便照例推舉相應官二員奏請簡用一員前去更替再行本部右侍郎陳玉一體提督本部查照先年事例行移團營提督內外大臣揀選馬隊官軍三千員名乞

命署都督同知金輔統領操練待報啓行合用軍器行工部馬匹草料行戶部各照例關領支給其料草俱支本色以贊膳息臣軍啓行之日每員名照例賞銀二兩布一疋以備苗工裝戶工二部各照例差官沿途預備糧料草束槽鍋甕以備經過及駐劄去處

遂日應付不許失誤本部仍通行遼東山海永平宣  
府獨石馬營永寧密雲古北口等處接連薊州一帶  
地方鎮巡分守守備等官各要差人哨探賊情緩急  
整搠人馬嚴謹備遇有交界地方賊寇出沒星火  
傳報依律互相策應不許自分彼此推訛誤事本部  
仍咨都察院轉行巡按監察御史親詣馬蘭谷查勘  
何方搶掠應該何處關營官軍策應截殺各將失事  
經訣官員人等職名逐一查究明白再查彼時參將  
陳乾等出戰軍馬實有若干被達賊殺傷若干在營  
未出若干并查地方被賊搶虜殺傷人畜財物各若干

于其各關營城臺等處原設官軍臨時失誤調發策應傳報截殺中間有何私後賣放故縱輕忽情弊俱要查究明白分別情罪輕重并干礙總兵官遂安伯陳鏗等一併叅奏再照原額福餘泰寧三衛夷人自太宗文皇帝安插在彼授官降印畜為藩籬百餘年來堅守臣節未聞悖逆自去歲以來奸夷造為小王子結親之說敢為要求之計守臣輕信張大其事遂致本夷肆志先要我以添貢

朝廷俯念夷情艱難暫從其請曾令大通事諭以禍福令其效爾祖父永守臣節毋起反心若倚北虜和

親要求無厭必調大兵痛加剿殺掃除巢穴不許住  
牧又曾俟其來朝令禮兵二部堂上官督同大通事  
於禮部明白宣諭後詔努爾顏衛都督花當奏要與本  
衛所鎮撫失林李羅不必赴京就彼承襲祖職右都  
督職事守臣又曲為奏請准寫

勅一道交與蔚州鎮巡官親付失林李羅收領今年  
二月禮部手本開稱譯出努爾顏衛都督頭目花當奏  
稱迤北達子伊並不知東西二處達子已省諭了並不  
作反今巡撫都御史王倬奏稱射死叅將陳乾等  
係花當男把兒孫等帶領達賊拆牆入境顯是花當

等外示效順中懷悖違以要求為得計以犯邊為長  
策都指揮陳乾之死輕率寡謀雖其自取但奉  
勅將官殞命於臣服小夷虧損甚大況事當謹微漸  
不可長若復因循姑息置之不問誠恐

祖宗御夷法度自此陵替且以後三衛夷人難以處  
待合無請

勅蔚州鎮巡官從長計議選差通事并有智識官員  
前去近邊地方拘禁花當等責問

朝廷既節次施恩撫待汝夷因何面是背非陰縱爾  
子把兒孫領人馬到烏蘭谷搶掠射死參將陳乾如

果花當不知就令花當將把兒孫捉拏解京或令自行處治償命姑赦其罪如或通同故縱不問再來犯邊朝廷必要興師問罪將京營并通州薊州天津保定等衛精健步軍選調三萬各執短兵火器分路進入犁庭掃穴再調遼東精兵二萬攻其左宣府精兵二萬攻其右汝失故巢進退無門追悔無及通將責問過口詞會本具奏再行議處臣等愚見如此伏乞

聖明裁處正德十年五月

日具題奉

聖旨是這地方失誤事重著巡按御史查叅了來說王忻陳餽王倬紀律不嚴寫勅切責并各該分守守

備等官都著戴罪殺賊還將團營西官廳前營見操  
官軍三千一百三十四員名就着都指揮同知桂勇  
仍舊統領操練待再有報到啓行其犯邊達賊是否  
花當部落鎮巡官便選差的當面通事委責問明白奏  
來處治欽此

為緊急賊情事

看得提督邊務本部左侍郎陳玉巡撫右副都御史  
王倬各奏稱正德十年五月二十六日有馬步達賊  
五百餘騎從板塲谷二十九日一千餘騎從神仙嶺  
六月初四日一千餘騎從水關洞俱拆牆入境殺虜

人畜乞要調取遼東遊兵三千員名或將京營人馬  
量數督發及查河間遊擊將軍劉寶下原有軍事三  
千員名行發前來併力截殺一節近因馬蘭谷地方  
射死參將陳乾本部已經題奉

欽依備行彼處鎮巡等官爪探衆賊多寡星馳具奏  
今文移未到具奏前因顯是賊勢擁衆侵犯相應速  
為計處合無本部一面移咨提督邊務本部左侍郎  
陳玉就令差來人賚文星夜前去交割會同鎮守太  
監王忻總兵官陳鋐巡撫都御史王倬嚴督衆遊守  
備并各詎關營把總官員整搠軍馬嚴謹隄備同心

戮力相機戰守敢有似前怠玩失事拏解來京依律  
從重治罪决不輕貸仍行各官查勘本鎮各關營見  
在食糧軍內精銳堪以征戰軍人約勾一萬名并將  
原管頭目職名造冊在官聽候調用其堪調軍人仍  
令在各關營防守不許指以造冊在官推託誤事總  
兵官將原選奇遊官軍六千員名再加揀選精銳在  
彼如法訓練聽候調遣一行保定遊擊將軍劉寶將  
原領河間官軍一千名整理衣甲器械齊備前去薊  
州駐劄聽候提督等官調用不許時刻遲誤一行戶  
部計議通行各該地方預備糧料草束毋致臨期缺

乞見奉

欽依就着都指揮桂雷乃將團營西官廳前營見操官軍統領操練待報啓行查得桂勇在場牧放馬匹本月初九日纔回合行本官上駕前去但征討事重其桂勇應加領軍名目又一應出軍各項事宜本部另行議奏定奪正德十五年五月 日具題奉  
聖旨是欽此

為大舉達賊入境乞兵救援事

看得巡關御史張鰲山奏稱系顏三衛花當與失林  
宰羅謫詐驍勇彼欲增貢則增彼欲襲職則襲我既

陞其計中彼遂決為大舉今之畫計者有三曰增貢  
決不可從曰守亦不可也曰攻則忠臣義士之憤未  
可為非要調宣天遼東邊軍旬日之內速赴地方分  
布防守出其不意以攻之預為必戰以禦之等因臣  
等竊觀自古制禦夷狄之道固不可貪功以啓釁寡亦  
不可怯懦以求和况采顏三衛世受

國恩進貢效順近日窺我邊備廢弛乃敢挾詐要求  
觀勢強弱以為從違既殺害將官又擁衆侵犯興兵  
征討未為無名大義所關誠不可已御史張鰲山所  
論理直氣壯詞嚴義正合准所言速議施行查得先

詒本部議擬題奉

欽依着桂勇將團營西官廳前營官軍操練待報啓  
行續詒本部奏調遊擊將軍劉寶原領河間達軍一  
千名前去薊州駐劄聽調中間出軍等項事宜見該  
本部議處具奏但行兵之法謀算預定庶功可成倉  
卒調發未免疎漏合無本部將調兵一應事宜逐一  
議處停當上請定奪正德十年六月初十日具題奉  
聖旨是這調兵一應事宜便議處停當來說欽此

為邊情事

看得三衛夷情變詐反覆疑是彼處通事誘引欺詐

正欲究察其弊今御史張鰲山舉奏通事程理等交  
通指引侵犯邊疆情由皆有指實具見本官能發隱  
伏之奸足以泄邊人之憤及奏要選差謹飭老成通  
事前去著為定例一年一換通行各邊體訪查究一  
體開革一節尤為有理合無本部移咨都察院轉行  
御史張鰲山將通事程理聶勇交通誘引情弊提問  
明白密切實封奏請定奪仍將程理聶勇交付鎮巡  
官差官牢固押解都察院監候取問本部行移禮部  
令鴻臚寺署正大通事金誠等選委平日行止端莊  
諳曉韃靼夷語通事二員應付廩給腳力前去喜峯

等關口聽用近奉

勅旨責問花當等事情就着新差<sub>通事同委官責</sub>問奏報其通事一年滿日另行更<sub>赴</sub>仍通行各邊巡按御史將原設通事體訪查究如<sub>古</sub>前獎一體問革正德十年六月初十日具題奉

聖旨是這聽用通事便着大通事舍誠等選委相應的兩員馳驛去就着照依前旨責問花當等務見事情明白奏來處治其餘依擬行欽此

為緊急邊情殺傷官軍事

議得朵顏衛頭目花當等恃其詐力敢肆侵凌外示

效順中懷李逆陰與通事程理等交結私通窺瞰薊州一鎮將官懦弱邊備廢弛遂敢捏造結親北虜之言以逞要求無厭之計一面進貢一面犯邊自去年以來侵犯邊境殺虜人民數十餘次因

朝廷寬容不問以致黠虜之奸狀蒙蔽不露勢日猖獗議者不思北虜小王子瓦刺等部落世為中國邊患去年深入崑岱今年屢犯延寧固不假朵顏等衛夷人和親而後敢犯中國亦不必自薊州一帶邊關進入而後可以內侵也薊州一帶東西二路見有食糧官軍四萬二千員名本處將官若能嚴加督率撫

恤簡練俾紀律嚴明烽堠謹飭相<sub>信</sub>隨宜運籌畫策  
或設險拒守或會合策應雖不能大挫賊人之鋒亦  
豈至喪失我軍之氣乃計不出此乃議添兵增戍臨  
渴挫非卒難施行今花當男把兒孫等殺死參將陳  
乾罪惡既已顯著見今擁衆分路侵犯飛報屢聞臣  
等先議待報發兵征剿荷蒙

聖明特命都指揮桂勇統領人馬操僕近該提督侍  
郎陳玉并鎮巡等官俱奏要調兵防禦兵科都給事  
中等官安金等亦奏要本部速為議處發兵巡關御  
史張鱗山極言夷虜侵侮之患當以攻討為急臣等

竊聞自古制禦夷狄之道固不可貪功以營釁亦不可怯懦以求和况今花當部落糾合大羊之衆分路內侵而本鎮將領非人軍不用命萬一邊關失守乘勝突入禍機之發旦夕難測臣等採集群言度量事勢當此之時

命將出師聲罪致討勢不容已但兵戎重務臣等未敢擅便令將合行事宜逐一開款明白伏乞

聖明裁處本部仍通行五府各部都察院通政司大理寺六科十三道官但有禦戎長策本部議擬未盡事理並聽各陳所見取自

上裁正德十六年六月十四日具題奉

聖旨是桂勇陞署都督僉事着充副總兵寫勅與他  
紀功官不必差官就着巡關御史隨軍紀驗糧草戶  
部便查處預備毋致缺乏軍前合用銀兩准支與三  
千兩其餘一應事宜都依擬行欽此

計開

一桂勇欽奉

上命領軍前往薊州邊關征剿叛夷其薊州邊關官  
軍并各處調來軍馬須聽桂勇調度節制若  
不重其事權止以參將前去不惟無以威示

外夷抑恐難以駕馭諸將查得桂勇先於正  
德八年曾充副總兵官鎮守江西合無將桂  
勇改充副總兵官量加五府堂上署職照例請  
勅并關給符驗一道旗牌五面副前去統領京營并  
各處官軍征剿犯邊達賊凡用兵一應事宜  
悉聽桂勇運謀設策隨機應變專制而行遇  
有期令調發事件本邊總兵等官即須火速  
依從應撥如有怠玩不理或無故抗違執拗  
因而失誤軍機聽桂勇指實奏

聞區處都指揮以下官敢有不用命者輕則量情責

罰重則以軍法處治俱照舊例施行其本處  
鎮巡官并提督邊務官應有本邊防禦事宜  
與桂勇事無相礙照舊徑自施行不許推託  
誤事今次出征專問朵顏衛夷人殺死然將  
陳乾并屢次犯遼之罪凡進兵機會須要詳  
審慎重計出萬全若能擒斬虜賊明正其罪  
或雖無擒斬之功能使虜衆畏服將把兒孫  
等獻出解京情願照舊入貢不為邊患或畏  
威遠避不可窮追並聽開具事由明白奏請  
速行班師不可老師坐費以致食盡難繼或

貪功速出致有疎虞各有所歸

一桂勇統領京營官軍三千餘員名并督調本  
鎮官軍到彼殺賊誠恐軍少賊多調用不敷  
查得保定等處達官軍舍保定都指揮盧鐘  
見領一千有餘定州指揮安欽見領五百有  
餘河間指揮孔璋見領四百有餘令無於保  
定軍內挑選五百定州三百河間二百共軍  
一千名關與盔甲器械各令盧鐘等統領各  
軍除領有官馬外原無馬者每官軍一名給  
與正馬一疋每二名共給駄馬一疋或驃一

頭保定河間就於各府定州於保定府各所屬州縣寄養馬驃內分撥劉寶原領河間衛官軍未領馬匹就於薊州等州縣寄養馬內照前例給領每官軍一員名照例賞賜銀三兩今調保定等處達官軍舍一千員名與先調河間遊擊將軍劉寶所領官軍一千員名共該賞銀四千兩本部查照正德八年調保定官軍事例於太僕寺收貯馬價銀內動支四十兩差官運送前去薊州收庫聽候會同巡關御史鑿鑿稱驗唱名給散務虛實惠

前項官軍該用行糧草料勘合行移戶部出給  
一見今京營出征官軍馬匹內有老病瘦損不  
堪騎坐并將官該給馬匹及每二人該用駄  
馬一匹俱於太僕寺揀選膘壯好馬或驃頭  
給領應用

一行兵之際合用間牒賞賜及官軍藥餌馬匹  
藥餌并旗鼓什物等項損壞補置皆不可缺  
訪得先年出征因無廐置將官軍賞賜銀兩  
扣除應用以致軍士嗟怨不肯效力合無不  
為常例於太僕寺收貯事例銀內動支一千

兩差官解送薊州寄庫聽桂勇支取給費等項應用仍行紀功御史知數查考畢日備細造冊繳部

一舊例出兵征討該差監察御史一員請

勑前去隨同總兵官紀功凡將士臨敵親臨閱視有功者從實開報以憑陞賞今桂勇出征合無就差巡關御史張鰲山紀功惟復行都察院另差一員前去伏乞

聖裁

一軍馬未出先須預備糧草查得即令出征官

軍不過五千人每軍一名日支口糧一升五  
合一箇月不過用行糧二千二百五十石易  
為供給正駝馬不過七千五百匹每馬一匹  
日支料三升草一束重十五斤一箇月該支  
料六千七百五十石草二十二萬五千束姑  
以三箇月計之其費頗多況草係粗重之物  
極邊地方原無積有草束去處難於搬運合  
無行移戶部計算彼處糧草如不勾用作急  
計處添運銀兩差官糴買預備供給果係極  
邊原無積有草束去處聽差去副總兵官計

議定奪量支草價折銀聽各軍隨處採取青  
草喂養或暫時取便牧放俱從宜施行但係  
近裏城堡住劄仍要逐日支給本色草束或  
間日放與折色亦聽軍便

今次出兵征討為因朵顏衛夷人花當等世受  
國恩賞賜通貢為我藩籬一旦背恩設詐要求屢次  
犯邊不已近又深入殺死叅將聲罪致討義  
不容已但訪得三衛夷人往來遼東前屯寧  
遠等處地方尤為密邇見今遼東鎮巡等官  
節次奏報海西建州等處達子在彼犯邊誠

恐三衛夷人往來在彼勾引為患合無請  
勅一道齎付遼東鎮巡官作急計議挑選遊竚精銳  
官軍三五千名就聽總兵官韓璽統領調度  
爪探三衛夷人如果退往前屯寧遠等處往  
來搶擄為患相機勦殺彼此夾攻務在計出  
萬全事無一失仍令遼東鎮巡官會委的當  
官員帶領通事於相應地方曉諭各種部落  
夷人令次第糾領衛頭目花當等設詐殺死參  
將屢次犯邊以此

朝廷遣將征討止間花當等罪過其別衛夷人各安

生理照舊進貢不許聽信花當謠言一槩驚  
恐若各夷有能堅住殺死參將陳乾花當男  
把兒孫的押送前來賞與織金綺絲十疋絹  
一千疋以酬其勞逐一曉諭明白取各夷知  
會文書回奏查考其遼東調動客兵該用粮  
草行移戶部查照添運銀兩預備羅買本部  
再行宣府鎮巡官嚴督分守東路叅將守備  
等官查勘本邊與薊州一帶邊外接連地方  
嚴謹提備相機戰守若本處叅少量撥附近  
驍勇官軍前去協同守備事寧即便寧回

為亟易鎮巡官員以保安重地事

看得御史汪賜奏稱馬蘭谷地方被賊搶虜人畜殺死參將陳乾皆是太監王忻遂安伯陳鑑都御史王倬平日調度無方紀律不嚴所致若不亟為取回使之仍前恬然在任不免外夷覘我強弱將來之患誠不可測一節緣外夷犯邊殺死參將委的事重若不將陳鑑等取回問罪不惟各邊將官聞風怠玩無所忌憚抑恐以後薊州一帶邊關官軍不知有法愈加放肆不肯用命効力以後陳鑑之罪益加深重難以自解今日不取各官固非

朝廷之福亦非陳餽筆之利也伏望

皇上轉念防邊事重俯察公論當從早賜

宸斷將陳餽等取回究問則綱紀振肅號令更新夷  
虜花當等易於征剿陳餽等心亦得安正德十年六  
月二十二日具題奉

聖旨已有旨了欽此

為請究失事邊臣議處急切邊患事

看得兵科等科都給事中安金等廣東等道監察御  
史高公韶等各効奏鎮守薊州等處總兵官遂安伯  
陳餽巡撫都御史王倬鎮守太監王忻守備太監將

廷玉兵備副使王竑等各負委任地方失事要將陳  
鏗拏解來京治以重罪王倬罷遣王忻蔣廷玉取回  
閒住王竑降調別用急選賢能官員前去更替又要  
將提督侍郎陳玉切責等因查得各官失事先該本

部題奉

欽依行巡按御史查了來說并將王忻陳鏗王倬降  
勅切責外今六科十三道官交章劾奏前因臣等切  
惟有功必賞有罪必罰此治天下之紀綱不可一日  
而廢者也科道之官又所以振舉紀綱以扶持公道  
者也陳鏗等既是各官交章論奏公論不容合無本

部并吏部作急會推堪任總兵官巡撫兵備官員并  
司禮監奏請差內臣二員各前去更替陳總王倬王  
忻蔣廷玉等接管行事將陳總提解來京送都察院  
問罪奏請發落王忻蔣廷玉取回閒住王倬等罷黜  
以正

朝廷之法以紓邊人之憤仍請

勑切責侍郎陳玉俾用心提督見在官軍勉圖後效  
其餘失事官員與陣亡官軍應否優缺緣由再行巡  
按御史一併查勘明白具奏定奪惟復將今科道官  
劾奏陳總等情罪再行巡按御史通候查叅至日奏

請定奪伏乞

聖裁再照兵科等科都給事中安金等奏要本部速為議處務使全定安攘之策大興聲討之師痛挫腥膻之勢復我遼疆三軍常勝之威保我

國家萬世全盛之業一節與巡關御史張鰲山奏要發兵攻剿事理相同見該本部題奉

欽依着桂勇操練團營西官廳前營官軍待報啓行合無本部將出軍一應事宜另行計處奏請定奪正德十年六月二十二日具題奉

聖旨是這地方失誤事情重大陳鑑着回京主倬王

忻蔣廷玉王琰養戴罪殺賊待巡按御史查叅至日  
來說陳王已有旨了其餘事宜陸續奏來處置堪  
充總兵官的便會推兩員來看欽此

為緊急軍情事

看得副總兵署都督僉事桂勇奏稱遇有緊急軍情  
必得親信之人應用庶克濟事奏帶官旗金只一百  
三十員名前去應用蓋因襲近年奏帶之例但臣等  
竊詳總兵出征自有把總指揮千百戶親信頭目傳  
布號令奉行軍法足勾應用若奏帶太多中間未免  
混雜無用其本等把總頭目聞知帶多懼怕奪功生

心懈怠不肯用命不無誤事合無行令桂勇將前奏  
帶官旗舍人數內再加精選果係智謀出衆驍勇慣  
戰之人量帶三五十員名前去應用照例關與賞賜  
并正駄馬匹及照舊例不分官舍俱支口糧到彼果  
有臨陣斬獲功次聽紀功御史驗實造報陞賞正德  
十年六月二十六日具題奉

聖旨既是軍前用人照前旨着帶去欽此  
為預計處以便應援事

看得副總兵桂勇等各奏稱遼東總兵官韓璽統領  
官軍五千員名在於廣寧屯住差人計票發兵日期

伊等議得大兵西來本鎮糧草不足供應若在廣寧  
駐劄有警不及救援乞要將三千員名分撥寧遠駐  
劄遇警征調先將一千員名差委指揮等官統領前  
來本鎮分作遊兵一節查得先該本部議擬止令總  
兵官韓爾挑選官軍三五千名統領調度爪探夷人  
如果退往前屯寧遠等處搶虜為患相機勦賊應與  
桂勇會合策應者約會截殺並不曾議及一片石關  
外會合情節目今彼鎮官軍二次奮勇斬獲賊級五  
十二顆奪獲達馬一百六十一匹訪知公差人員皆  
說賊已遁去不敢近邊若如所奏遽調遼東官軍二

千員名前來薊州誠恐供給不敷徒勞無益合無本部鋪馬差人齎文一面行移副總兵桂勇等仍照原擬多差垂覺人役遠哨賊踪如果遠遁不煩征討或虜賊陽為躲避陰實結構復圖再舉俱從桂勇等開具明白具奏定奪一面行遼東總兵官韓璽亦依原擬整搠軍馬止在本鎮地方駐劄如遇賊退前屯寧遠等處地方搶虜為患相機勦殺應與桂勇會合策應者約會截殺正德十年七月二十二日具題奉

聖旨是還行文書與桂勇着查探虜情的確相機行事遼東官軍准先調二千員名前來聽桂勇分布戰

守其餘仍在本鎮地方駐劄防禦俱不許失誤欽此  
為事情事

看得巡關御史張鰲山所奏副總兵署都督僉事桂  
勇差舍人劉鼎達哨虜境招撫朵顏衛達子把瓦等  
六名赴遼答話功可紀錄一節切惟朵顏衛花當部  
落去年至今犯邊五十餘次又將參將陳乾殺死因  
見近日提督侍郎陳玉鎮守太監王忻巡撫都御史  
王倬巡關御史張鰲山等整飭兵馬斬獲數多大遭  
挫衄異於往時又聞

朝廷遣副總兵署都督僉事桂勇統兵征勦大振

天威以此畏懼遠遁不敢近邊但臣等竊聞自古制  
馭夷狄之道叛則擣之以威服則懷之以恩所以本  
部原擬今次出征雖無擒斬之功能使虜衆畏服情  
願脅舊入貢不為邊患或畏威遠遁不可窮追並聽  
開具事由明白奏請速行班師正欲恩威並用之意  
今桂勇乃能委用舍人劉鼎宣布恩威達于沙漠致  
其信服近邊納款誠可嘉獎但把瓦等回還與花當  
等說知親來答話一節未知從遠難便定奪合無本  
部通行提督邊務侍郎陳主副總兵桂勇并鎮守巡  
撫巡關等官公同計議如遇花當等親自到邊悔過

首服照舊入貢再不犯邊殺死陳乾之人罪有所歸  
就便督令王遠等譯審情詞認真實取具本夷親書備  
文上緊會本具奏本部再行議擬奏請定奪班師各  
官并舍人陳鼎通事王遠等功蹟另行查議具奏施  
行若虜情謫詐難信亦要設法防備不可輕忽致墮  
賊計正德十年九月十四日具題奉  
聖旨是欽此

為定地方專職業以圖補報事

看得整飭密雲等處兵備副使王竑奏稱原任專管  
密雲黃花鎮一帶邊備欽奉

勅內開凡事平軍馬須與密雲內外分守官員協和  
計議而行今密雲分守內外官改為鎮守名目已將  
勅內分守字樣改為鎮守以便行事及奏稱東路蔚  
州永平一帶地方原擬止管屯田詞訟不管軍馬今  
欲聽東路鎮守并巡撫官委用管理軍馬邊務亦乞換  
勅遵奉而行將西路密雲軍馬事務不必干預一節  
查得前項原添設密雲兵備副使止管密雲黃花鎮  
邊備與分守官計議行事通管密雲并薊州永平等  
處屯田詞訟聽巡撫官節制今密雲內外分守官既  
已改為鎮守其兵備副使王竑原領

勅書相應改換及東路薊州等處遼備原擬不曾行  
令副使王竑管理難以另又請

勅令其通管及查薊州永平一帶屯田見有戶部郎  
中一員奉

勅在彼專管彼時兵部議設兵備副使失於查照又  
令副使兼管彼處屯田十年九牧難以行事况係弘  
治八年主事歐鉅建議添設不係舊例委的職掌未  
明難以責委合無本部移咨巡撫都御史王倬待候  
彼處事寧之日將王竑起送吏部別用以後不必再  
設其原參失事情節候查勘至日另行定奪伏乞

聖朝正德十年九月十七日具題奉

聖旨是王竑待事寧之日起送別用欽此

為速斷公罪以示勸懲以正軍法事

議得朵顏三衛夷人世脩職貢為我藩籬近自正德  
九年正月至十一月深入犯邊者五十次殺死射死  
官軍男婦共六十七名口虜去軍民男婦共一百六  
十七名口被傷官軍男婦共六十名口又乃益肆猖  
獗戕我將臣背德逆天勢甚兇惡自今年五月以來  
各該提督等官仰承

勅旨惕勵圖新將士効力軍威大振節次斬獲首級

五十二顆奪獲達馬一百六十一匹自是虜賊破膽  
關口百里之外哨無賊蹤不敢似前入境侵犯是皆  
皇上聖武布昭付託得人之所致也今既該巡按御  
史張鰲山查勘前來除有功官軍人等本部查照功  
次文冊另議陞賞外其提督鎮巡等官宣力効勞委  
宜甄錄伏望

皇上斷自

宸衷分別輕重將各官速加陞賞以酌其勞正德十  
年十月初三日具題奉

聖旨是提督等官有功可錄的陳玉王倬王忻各賞

二十一  
正德十二年三月內整飭薊州等處邊備都御史臧  
鳳等奏稱參將馬永等督率官軍在於洪山口關等  
處斬獲達賊首級三十顆  
賞銀十兩綺絲一表裏欽此

為料賊情酌軍馬撙節糧餉事

看得征進薊州等處副總兵桂勇奏稱義院口等處  
駐劄官軍糧草全無人馬缺食節差夜不收并參隨  
人役出境哨探並無賊踪花當悔過遣人來邊打聽  
要於十月初間前來進貢若不計處不惟老師坐費

抑且糧餉不充又稱京營并調來官軍原帶駄馬由  
險道狹相應發回以省供給若將本鎮見操領馬官  
軍二千員名遼兵二千員名及原選按伏三千七百  
員名并分守等官部下人馬相兼分布足勾擗禦乞  
要議處十月初間夷人果來進貢就令京營并保定  
等處官軍防送赴京惟復令行提督鎮巡等官將遼  
東并本鎮軍馬分布防守先將所領官軍五千員名  
掣回一節除遼東葛蔓統領官軍二千員名已調往  
陝西殺賊別無定奪外切照添額衛夷人近因擾我  
邊境戕我將臣勢甚狂悖

皇上赫然震怒特命副總兵桂勇統率京營官軍前去征勦兵威厭境虜騎潛踪不敢近邊駐牧者兩月有餘花當自知悔過遣人來邊打聽要采進貢是雖無犁庭掃穴之功亦可以發舒華夏之氣臣等切惟夷狄為患自古有之若彼既畏威遠遯我却窮兵追討不惟犯貪功之戒亦且非御夷之體况本部亦曾議及若畏威遠遯不可窮追聽具由開奏速行班師不可老師坐費以致食盡難繼或貪功遠出致有疎虞已經題奉

欽依通行副總兵桂勇酌處去後今桂勇既稱夷人

要於十月初間進貢又稱冬月將至水冷草枯縱欲侵犯亦難大舉欲將所領官軍暫且掣回操候以省糧儲所言有理但查無彼處鎮巡官并提督侍郎陳玉奏到難便定奪合無本部行文提督侍郎陳玉會同鎮巡官并副總兵桂勇查照本部節次題准事理從長議處停當如果各夷照舊入貢依擬整飭兵容沿途擺列一同班師若不進貢畏罪遠遜亦就班師俱不必猶豫不決坐費邊儲仍行巡撫都御史王倬會同總兵官戴欽鎮守太監王忻嚴督各該關營分守守備把總等官務要整搠士馬振揚軍威遠近聯

絡加謹瞭望如遇夷人犯邊拆牆搶掠設法運謀相  
機勦殺毋致失事一酉星馳具奏果係賊勢衆大臨  
期再調京營并遼東官軍前去征勦亦未為晚其守  
邊官軍亦不許哄謗妄殺致啓釁端倘若計慮不周  
失機誤事

國典具存難以輕貸及照提督邊務本部左侍郎陳  
王修邊圖冊久已進繳見今虜情亦頗寧息班師之  
日合就回京正德十年十月初四日具題奉

聖旨是這事宜還着提督鎮巡等官陳王等會同議  
處停當具奏班師欽此

為料賊情酌軍馬一持節糧餉事

看得提督邊務左侍郎陳一王奮同副總兵桂勇太監王忻總兵官戴欽都御中人王倬議得朵顏衛羣親信人小失台等告要進吾一仍於舊處住牧則本夷來一建一念終不能忘但懼訛之疑未能遽釋自今邊境肅清軍民安堵是皆我

皇上神武不殺之威仁恩煦育之至而中外大臣謀猷審固處置得宜之所以要候本夷率衆入貢姑從寬處令與泰寧福餘二衛續到夷人一體驗放入關一面將番文具奏處置若或阻或放羈留關外恐致

驚疑奔竄此後難於差服副總兵桂勇人馬在邊三  
月有餘餽餉漸難暫令掣回真定保定原來馱馬一  
千匹給三屯等營官軍遊擊等官劉寶等官軍共二  
千員名暫留備禦待冬深無警放回仍預行遼東總  
兵官韓璽知會若有聲息許調遊奇人馬三千員名  
應援等因既該各官會同議處停當事理周悉別無  
一定奪合無通行各官悉依所奏施行陳玉就與桂勇  
一同回京其遊擊將軍劉寶所統官軍一千都指揮  
盧鏗等所統達軍一千暫留備禦聽巡撫等官調用  
候至本年十一月終地方事寧徑自放回原衛具奏

查考正德十年十月二十三日具題奉

聖旨是既各官議處停當陳玉桂勇着回京其餘各依擬行欽此

為傳奉事

看得整飭薊州等處邊備左僉都御史李璣奏要於團營內挑選精銳官軍古北口二千員名居庸關一千員名白羊口黃花鎮各五百員名各領將官一員分投防守待報啓行一節查得居庸關口險隘本處見在官軍四千三百六員名足勾守把合無本部行令分守本關指揮同知孫璽將原有官軍整點齊

備用心防守不許賣放離關歇役如果本處軍少不  
敷聽孫璽具奏定奪仍行守備

天壽山指揮關廉一體嚴謹防禦其古北口等處各  
有原設守把官軍設使各官號令嚴肅常川操練亦  
勾守把但古北口道路頗闊黃花鎮守備羅奎等有  
警恐難獨當合無本部行移總督內外官揀選  
精銳官軍古北口二千員分派黃花鎮白羊口各五百  
員名臣等推舉得署都督僉事傅凱署都指揮僉事  
張安俱堪防守古北口指揮符福英韓柰俱堪防守黃  
花鎮指揮馬忠高澤俱堪防守白羊口伏乞

聖明於內各

簡命一員照例請

勅統領操練仍聽團營提督內外官提宜待報啓行  
前去各照地方督同彼處官軍防守事寧照舊其古  
北口黃花鎮白羊口地方着落參將李靖守備羅奎  
丘泰探有聲息飛報前來以憑督發再行巡撫都御  
史李瓊督令兵備副使王竑親詣寧雲古北口等處  
該管地方不時往來點閱整飭但有應設計處事情  
星馳往直具奏處置正德十一年三月三十日具題奉  
聖旨是傳凱福英馬忠各依擬防守地方待報啓行

欽此

為夷情事

照得先該本部議得把兒孫犯邊殺死參將陳乾關繫匪輶百餘年來所無之事以此奏請與師問罪惟把兒孫一人不赦所以明大義正

國體非無故生事啓鑿徼功外夷也今看得都御史李瓊等奏內明開審得朵顏衛頭目扯充等說稱都督花當差我們來賚着無印番文一紙及看番文內亦開都督花當男都督失赫字羅弟幹兒路阿刺忽頭目把兒孫惧怕叩頭不當開稱係把兒孫一人獨

自認罪進馬緣由各官會奏却要容令把兒孫進馬贖罪竊考前代宋都汴梁契丹據有燕地強盛識者猶不肯示弱求和今若容令把兒孫以數馬贖殺死陳乾之罪恐非所以尊中國而示外夷也合無本部行文都御史李璣等督令原審通事王遠等再審扯禿等果係都督花當差來進馬以禮擗勞驗放入關若係把兒孫獨自差人進馬仍照本部前擬相機行事設法擒勦不可自示怯弱致生侵侮亦不可機謀踈漏誤墮賊計其各关口防禦事宜比常嚴加整飭以備不虞正德十一年五月二十日具題奉

聖旨是這進馬事情還着巡撫都御史隨宜查審驗  
放欽此

為夷情事

看得整飭薊州等處邊備左僉都御史李贊咨稱本  
年五月二十日申時及額衛小失台等六名說稱把  
兒孫差我們來叫扯禿等回去只在三四日要行作  
反是實等情又要將調到遼東官軍合無掣回薊州  
駐劄惟復仍留各訣關營防守等因除遼東官軍已  
奉有前項

欽依着分布各緊要關營城堡協同戰守外其叫回

進馬夷人一節緣系顏衛夷人要來進馬都御史李  
瓚等奏詞五月十八日方纔抄到今咨稱五月二十  
日小失台等六名到關呌回要行作反前後三日之  
間不肯等候便要挾制依從且既以認罪為詞又以  
作爻為說豈蕞爾臣服小夷所以敬事中國之體而  
都御史李瓚等不能以大義責問輒便畏懼意欲  
朝廷決從其請快小夷之志損中國之威萬一此虜  
得遂其請肆其犬羊無厭之求要我悖理難從之事  
又將何以處之况都御史李瓚等先奏扯禿等說稱  
都督花當差我們來今奏又稱把兒孫差我們來前

後不一止憑通事傳說之言不曾責審歸一實情及稱小失台等說要叫回杜禿等三四日內作歹亦不見聲說扯禿等即今是否回去及照朵顏三衛頭目每年進貢自有常例去年因把兒孫入寇殺死參將陳乾其父都督花當已曾進馬認罪今又容把兒孫放言挾制前來進馬是舍其父而交其子畏其強而納其詐自古聖王制禦夷狄之道恐不如是之卑弱也伏望

皇上將臣等前奏早

賜宸斷仍乞

勅薊州鎮巡官整搠軍馬嚴謹隄防固不可徼功以  
啓外夷之釁亦不可示弱以損中國之威倘或失事  
罪有所歸正德十一年五月二十一日具題奉

聖旨是這進馬事情還着巡撫都御史隨宜查審驗  
放欽此

為夷情事

近奉

聖旨是這進馬事情還着巡撫都御史隨宜查審驗  
放欽此臣等仰窺

聖意蓋以聖人不治夷狄懷柔遠人故令巡撫都御

史隨宜查審驗放以示含洪但近諛巡撫都御史李瓚奏來把兒孫已差小失台等將進馬達子扯禿等叫回只在三四日內要來作歹誠恐都御史李瓚因見奉有

欽依惟知幸免目則無事不與鎮守總兵官公同計議查審明白徑自任意將把兒孫所差人容令進馬遂使

朝廷節次降到

旨意明文皆為虛詞以後吏人再不信服令無本部行文都御史李瓚會同鎮守總兵官計議除進馬裏

人已回外若仍見在關外務要遵照

明旨查審明白果係都督花當等差來進馬以迪噶  
勞驗放入關若係把兒孫獨自差人進馬相機行事  
設法擒勦不可自示怯弱致生侵侮亦不可機謀昧  
漏誤墮賊計其各關口防禦事宜比常嚴加整飭以  
備不虞正德十一年六月初一日具題奉

聖旨是鎮巡官所奏夷情前後不一還行與他每照  
依怎部裏節次議擬查審明白相機行事仍要加謹  
防禦毋得止圖自便不顧國體因而廢弛邊備責有  
所歸欽此

卷之二  
二十一  
為議處虜患事

看得巡撫都御史臧鳳巡關御史屠僑會議得紫荆  
關修理新添隘口墩臺共九處應添常守軍人共一  
百五十六名乞要本部查照各訛衛分依數定撥嚴  
督各官火速一齊起撥前去各隘口墩臺一節誠為  
防守之便但不開所撥官軍定屬本關何衙門等一等  
歲用月糧一千餘石并冬衣布花定撥何州縣却一等  
徵納赴何倉庫收掌放支雖稱動支銀兩蓋造房屋  
未見蓋造完備可以接止若就定限火速一齊起撥  
誠恐訛衛官旗乘機詐騙賣富差貧嚴督逼到彼

安插不得其所致生嗟怨因而逃移况將腹裏安業  
軍人全家遷發邊關隘口墩臺哨守尤恐人情有所  
不便合無本部行文巡撫都御史減鳳再行從長計  
議躬親查勘其衛其所軍殷實可撥某隘口墩臺守  
把隸屬何衙門管轄動支何項銀兩蓋造房屋可以  
安插得所不致逃移如果人情順便別無違碍就便  
會計每年該關月糧布花實用若干定撥何州縣起  
運撥赴何倉庫交納放支逐一議擬明白處撥停當  
具奏臨時本部會同戶部議奏定奪正德十一年六  
月二十二日具奏奉

聖旨是便着巡撫官議處停當來說欽此

為防守邊關事

看得都御史李瓚奏要本部行令李琮將所統官軍  
盡數分布緊要關營協同本鎮官軍防守其李琮就  
令統領前項官軍隨路駐劄一節查得奏內都御史  
李瓚要將李琮所統官軍三千盡數分派一十二處  
關口防守未審李琮令其統領何口官軍為是况鎮  
巡等官未曾與李琮會議停當徑自分派以致李琮  
有詞蓋分據要害固是守臣之意而分兵勢弱又是  
遊擊之責況薊州一帶邊關隘口甚多虜賊衆寡及

所入道路俱難逆料必須謀算預定指授明白以堅  
壁固守責之主兵以相機截殺付之遊擊庶幾竒正  
相生機變不失苟昧變通之宜執一偏之見萬一失  
守戰亦無施憤事誤

國誰任其咎合無本部行文薊州鎮巡官及遊擊將  
軍李琮各要遵奉

勅旨凡事必須會同計議停當方許施行不可各執  
已見致有誤事其李琮所統遊兵三千俱係有馬若  
果零碎分撥每口二百三百專一防守委有未宜合  
依李琮所擬將所統兵馬於三路參將地方每路委

都指揮一員管領官軍五百員名與同彼處叅將人  
馬會合隨宜緊要關口防守併力截殺其餘官軍一  
千五百員名聽李琮統領於遵化等處隨便駐劄相  
機行事若遇虜賊勢衆一路擁入亦聽李琮將原領  
官軍二千通調一處併力衝殺本處官軍亦要火速  
會合策應不許自分彼此逗遛畏縮致誤軍機自取  
重罪其各關口原設守把官軍如果數少不敷別無  
縱放歇役情弊巡撫都御史就便查照舊例徵調腹  
裏操守軍舍餘丁并附近州縣民兵委官管領暫行  
赴口協力防守事寧即便放回不許指以不准分布

遊兵為由推託誤事正德十一年八月初二日具題奉  
聖旨是這防守事宜都依擬行欽此

為復召募以實軍伍事

看得提督東西兩路巡關都御史彭澤奏據分守叅  
將馬永呈稱先年召募軍士操守地方不期去任萬  
郎中吝惜小費革退六千餘名要行照舊查收及稱  
准巡撫都御史李瓚等本三路訣添兵三千名本處  
召募不必徵調遼東京營人馬查得近訣戶部會同  
本部議奏為因巡撫都御史王倬與管糧郎中萬斛  
會本具奏指揮康臣等擅自召募新軍名雖撥在關

營實則不曾守把以此奏行巡按巡關御史覆勘明白內止革退老疾等項四百六十二名其餘四千三百餘名俱照舊存留今參將馬永妄呈不實且敢指斥郎中萬斛吝惜小費着稟依馬永所言通召新軍九千通計一年該用糧十萬八千石布花在外不知馬永分派何州縣起運尚以為小費不惜而何費為大可惜乎及查調取遼東官軍先因李贊具奏調取後發京營官軍三千令都指揮李琮統領前去薊州防守亦因彼處失事不能支持不得已調發今若又依李贊之議不必調遼東及京營軍不惟京營官軍

見今聲息未寧難便掣回抑且新召軍士臨渴掘井  
不能濟事所據馬永等識見俱有窒碍難以准行臣  
等再議得自古開邊增戍坐困中國若忽內治而專  
事夷狄未有不貽患者也我

朝設置邊鎮屯聚軍馬東起遼陽西盡敦煌延袤萬  
里帶甲數十萬歲用糧餉以數百萬計為因水旱蠲  
免往往不繼告乏如薊州一鎮歲用糧四十餘萬計  
其歲入尚少八萬餘石減折銀兩放支軍多缺食以  
此添兵一事決有難行若使巡撫總兵等官撫恤有  
方調度有法平時慎固封守有事暫調別軍策應事

畢罷歸不立新法以困百姓不執私見以亂成規惟務內修外攘自可長治久安合無本部行文都御史彭澤提督先差都指揮等官李琮傅凱張椿張安馬忠福英等續差金輔陳珣等先後共調發京營官軍一萬四千餘員名各照原擬用心防守遇有報到賊勢衆大應訪添軍依律火速具奏本部議擬奏請再行督發官軍應接若果宣大地方報賊遠遁事已寧息亦便具奏班師以省供給東西二路一應關隘俱照舊施行不必創議新法貽患小民正德十一年九

月十七日具題奉

聖旨是這各該地方還着都御史彭澤提督差去都指揮等官李琮等照依原擬用心防守互相應援其關隘缺兵守把去處待邊事稍寧着陸續奏來照數查議添補欽此

為走回人口傳說夷情事

看得監督軍務太監張忠提督軍務侍郎丁鳳總兵官左都督劉暉會本奏稱據走回婦人張氏供說在虜營時聽得說衆達賊八月間要搶大同蔚州廣昌等處過山南真保定地方又說南朝打細的不見回來又有回來的說京營多多人馬在邊上俱起往北

行等黃河冰凍西搶等項情節顯是虜賊遠道查得  
紫荆居庸薊州一帶邊關京營差去防守官軍馬匹  
數多在彼住劄日久供費不貲况今天寒軍士俱無  
綿衣單寒合無將原發京營官軍并領軍官員通行  
掣回仍在該營操練遇有警報照舊發出各口防禦  
提督各關左都御史彭澤亦令回京其都御史臧鳳  
李瓚照舊各關住劄會同鎮守總兵等官嚴督分守  
參將守備等官整搠原調外路官軍并本關原設官  
軍加謹隄備用心防守遇有警報星馳奏報發兵防  
禦待候燒荒邊情十分寧息另行議奏定奪正德十

一年九月二十五日具題奉

聖旨是這地方既稍寧提督都御史彭澤着回京管事原發京營官軍并領兵官也着回營操練其餘依擬行欽此

為夷情事

看得系顏衡都督花當男把兒孫奏要認罪叩頭三十人進馬三十匹不在三百人數一節先該都御史減鳳等奏要不為常例量增入貢已該本部議擬題

奉

欽依遵行未久今把兒孫番文要額外三十人進馬

合無本部再行都御史臧鳳會同鎮守太監總兵官  
督令通事主簿許鳳序班孟昇等同的當官員查照  
先題奉

欽依內事理除已明白曉諭外若把兒孫再差人答  
話即便再為曉諭大意謂四方萬國只有中國為尊  
爾朵顏衛一家只有都督花當為主爾把兒孫先引  
入來殺死叅將陳乾已有無

君之心是為不忠今要於本衛常例三百人外自差  
三十人進貢是又有無父之心是為不孝在前

朝廷已差副總兵桂勇統領定州等處達軍摠爾裏

穴因爾遠遁

朝廷念爾父祖世為藩籬并花當不曾犯順特從寬宥班師不征今爾不受爾父花當教訓管束任意妄為姑且不問若再来犯邊

朝廷必

勅爾父花當將爾擒拏解京治罪爾悔無及遇有花當差人到邊亦就省諭此意其薊州鎮巡官務要申嚴號令整飭武備遇有侵犯相機勦殺如或怠玩無備致有疎虞假以不准添貢為辭推託誤事咎必有歸正德十二年七月二十三日具題奉

聖旨把兒孫既累次認罪奏乞進貢准他欽此

為夷人進貢事

參照榮顏衛都督花當為伊男把兒孫撥置節次犯  
邊殺害將官要求添貢今次又獨要本衛三百三十  
人進貢不容泰寧福餘二衛一同前來及至守臣以  
理省諭假以黃毛達子要來搶殺保守家小為詞回  
還仍要待候無事前來補貢其泰寧福餘二衛夷人  
畏懼榮顏强悍初則不敢與之同來後方乘隙入貢  
以致過期中間必有情由合無本部移咨整飭荊州  
都御史減鳳會司鎮巡等官作急計議嚴督分守守

備把總等官點閱各該關口原有守把官軍常川在役比常十分加謹瞭望及將各關營官軍整搠操練嚴謹曉備如遇朵顏達賊侵犯即便相機勦殺若擁衆深入預為設備徵調各路官軍協同戰守再有聲息重大星馳奏報調兵征剿不許似常怠忽縱放軍人歇役離口失誤傳報及素不設備一遇擁衆深入因而失事咎有所歸若果以後朵顏悔過效順願來補貢合無由赦其罪聽彼處鎮巡官一函照例驗放一面具奏施行本部移咨禮部轉行大通事舍誠等譯審泰寧福餘二衛見來進貢頭目塔卜歹等因何

過期不與朵顏衛夷人一同過關緣由及別有夷情逐一審問明白具奏定奪正德十二年九月二十八日具題奉

聖旨是欽此

為傳報夷情事

看得整飭薊州邊備都御史減鳳等奏稱通事主簿許鳳等審得朵顏衛都督花當男打哈等說稱我父花當同兄把兒孫差我們來報有都督吳林字羅說稱累次差人告討六百人進貢不准要收拾人馬往西邊做賊有父花當同兄把兒孫等閹當他了不知

他如何又說我們衆達子幾時來進貢好收拾馬匹  
來關聽候等語許鳳等當時省諭照常於閏十二月  
初旬來量給酒肉鹽米布匹等物撫賞回還等因具  
本題知臣等切詳朵顏達子把兒孫惟欲要求添貢  
造為交通北虜之說挾制中國今年

萬壽聖節乃敢不與泰寧福餘二衛齊來進貢意欲  
得動

朝廷俯從所請及本部堅執大義奏准不許因見所  
謀不遂思欲來貢又恐

朝廷罪責不容放入以此假以報事為名歸罪於失

林宰羅逆探我意事雖遮飭終有悔罪效順之意係是夷狄似不足較許鳳等省諭令其照常閏十二月初旬來深得撫待夷狄之體合無本部行文薊州鎮巡官將主簿許鳳序班孟昇并魏宗淵等以禮獎勵督令用心等候如遇朵顏夷人前來進貢即便設法省諭以為既是失林宰羅不順爾朵顏父子效順准爾照常年事例人數驗放入貢其以前失誤進貢奏請寬宥姑免爾罪一面嚴督各該叅將守備把總等官督令哨守人役比常十分加謹限備倘或設詐侵犯就便相機勦殺毋失事機聲息重大本處官軍不

能禦敵星馳具奏定奪不可因其來貢解弛邊備致  
有疎虞咎必有歸正德十二年十二月三十日具題奉  
聖旨是這夷人既能悔過效順准照舊補貢還行文  
與鎮巡官着通事許鳳等省諭俾存餘事宜各依擬  
行欽此

為夷人求討事

看得右少卿舍誠等審取夷情除王兒只并鮮崑等  
要襲伊父職事情由另行查議具奏外其朵顏衛頭  
目脫桶阿說稱本衛都督花當次男舍人把兒孫差  
來因進貢外進送被虜漢人男女張舍等二名又說

牛兒年又進送被虜男婦二名通共進送男婦四名  
口都交與總兵官都堂收了討陞大頭目職事管束  
本衛人民出力一節查得把兒孫為因先次添貢後  
次不添屢來犯邊殺死叅將陳乾等本部節次議奏  
把兒孫罪在不赦中外共知去年把兒孫又來犯邊  
挾求入貢本部執奏不可准從以啓釁端蒙

特旨准他今把兒孫因見挾求得計又令其頭目脫  
桶阿假以進送男婦四名口為由討陞大頭目職事  
管束本衛人民若再輕准将来狠豕無厭之求有何  
紀極况朵顏衛部落人民自有伊父都督花當管束

把兒孫所請實有無父之心尤為可惡合無本部行  
令舍誠等明白曉諭脫桶阿回去說與把兒孫爾前  
罪過既已寬宥今又要討大頭目職事管束本衛人  
民置爾父於何地如爾肯着實改過輔佐爾父花當  
管束所部三五年再不犯邊爾父來奏

朝廷方有恩典如爾不聽父教再来犯邊決不容恕  
其進送人口行與薊州鎮巡官查勘是實照依彼中  
事例量加給賞以慰其心仍行鎮巡官以後務要恪  
守成規不許任情輕率額外奏討添貢示弱求和開  
啓邊釁如再故違咎必有歸正德十三年二月二十

三日具題奉

聖旨是都依擬行欽此

為夷人求討事

看得泰寧福餘二衛頭目伯牙狹等奏稱有朵顏衛人民倚他勢力奴婢每多被他苦楚今奴婢大小人民求討別處關口往來進貢出入便益一節查得朵顏泰寧福餘三衛夷人進貢俱由大土呂峯口驗放入關係是舊例今泰寧福餘二衛夷人去要別處關口驗放難准合無本部行文薊州鎮巡官以後三衛夷人入貢照舊於喜峯口一同驗放入關不許朵顏衛

夷人恃強占阻如朵顏衛夷人恃強阻當聽泰寧福  
餘二衛夷人徑自與伊分理執論正德十三年二月  
二十九日具題奉

聖旨是欽此

為明大義以服邊夷以弭邊患事

查得朵顏等三衛自來進貢驗放夷人三百名係是  
舊例正德九年准添六百人後復不准遂啓殺死參  
將陳乾之囂正德十一年於朵顏等衛常例三百人  
外又准朵顏頭目花當男把兒孫三十人進貢以後  
守臣不能禁止蔣以為常今正德十三年九月驗放

夷人都御史張潤等乃能遵守舊規開明大義阻止  
把兒孫非禮之貢誠可嘉獎其要本部於各夷回還  
之日戒飭及請

勅彼處鎮巡宣諭一節見今來貢夷人將回未奉有  
旨難擅戒飭合無本部行文都御史張潤會同鎮守  
官員依奏召集省諭施行但撫順夷情固在曉諭明  
白尤在防禦有道况犬羊夷性惟知貪利畏威非口  
舌所能馴服合無本部行文都御史張潤等務要運  
謀設策修舉邊備通達烽堠申嚴紀律一遇侵犯務  
使痛遭剝劙不敢近邊斯為得策不可倚信夷人玩

忽邊備倘致失事咎必有歸其省諭各夷之時雖以禮義為主必須示以兵威庶彼知畏仍將省諭過緣由及修舉邊備方畧具奏查考正德十三年十一月初二日具題奉

聖旨是欽此

遼東類

虞舜以冀青地廣始分冀州東北襟無間之地為幽州又分青州東北遼東等處為營州

國朝自山海關以東置遼東鎮周廻數千里蓋兼古幽營之地而有之設都司一衛二十有五

州所各二以控制之其外諸夷各因其類設衛三百二十八所二十四各授以官職令每歲來朝以羈縻之每衛不過五人至於朝鮮遵奉正朔歲入朝貢視前代獨為恭謹內安外順固無足慮然以海西建州女直諸夷往往桀驁難制成化以來議當勦者恒以姑息縱賊為害論當撫者又以貪功啓釁為非然其機繫於本兵必欲視順逆之勢得勦撫之宜而處之不差斯亦難矣嗚呼金起女真燬中國遼東邊備其可忽哉

為嚴武備實邊儲以防禦強虜

看得巡撫遼東都御史張貴等奏稱合無於開原暫添兵備副使一員領

勅前來開原住劄整飭兵備操練軍馬查考錢糧清理詞訟等項有事與分守官計議而行惟復止照本部先議分守分巡等官每季輪派一員則去提督巡視等因各官之意蓋謂以救弊而言暫設亦可以經常而論不設亦得因無定見故持兩端查得遼東地方先已設有布按二司官二員各與巡撫巡按官同處一城不肯常川巡歷到彼以致開原邊備廢弛弊

實有因合無不必另設兵備仍照本部先次題准事  
理守巡官每季輪流一員前去開原駐劄整飭邊務  
禁革姦獎如有故違不去開原駐劄聽巡撫巡按官  
衆奏究問如此官無冗濫事亦修舉正德十年七月  
三十日具題奉

聖旨是欽此

為炮火聲息事

看得左都督劉暉奏要兼程前去遼東挑選精銳官  
軍三十員名前來近京緊要處所操候一節查得差  
訥都御史李贊奏已經題奉

欽依調取遼東官軍三千員名限四月二十日到薊  
州駐劄外今劉暉奏要親自前去挑選蓋恐彼處鎮  
巡官員各為地方挑選不精誠為有見但劉暉奉  
命充總兵官在於京營挑選人馬事方舉行難以遠  
去合無令劉暉將遼東堪以領軍官員頭目從公推  
舉開報本部轉行訣府差官賈文馳驛星夜前去遼  
東交與鎮巡官并劉暉徑自劄付所舉將官將見在  
人馬逐一挑選停當開造年貌文冊寬限四月二十  
五日前到薊州駐劄不許時刻阻誤其官軍仍依原  
擬聽都御史李贊等調度防守以後賊情變動就聽

劉暉統領征勦臨時再行議奏定奪若所調遼東官軍挑選不精不堪征戰罪坐原挑選之人其京營官軍仍照原擬聽劉暉并桂勇賈鑑不妨原管西官廳營務公同挑選操練備用及照總兵官劉暉合用跟隨頭目軍伴人等合無行移訣營俱照提督團營總兵官事例上緊摘撥應用正德十一年三月二十八日具題奉

聖旨是遼東人馬便着劉暉推舉班以領軍的官一員挑選停當前到薊州駐劄不許阻誤其餘依擬行合用跟隨頭目軍伴人等還着劉暉酌量開具來說

欽此

為傳報緊急賊情事

看得巡撫遼東都御史張貴等奏稱本鎮輻圓千里  
夷虜環繞三面未及一月傳報數十餘次及稱滿蠻  
報說花當與大達子見結一處要搶廣寧聲勢頗大  
各城兵馬自正德六年以來徵調頻煩逃亡相繼見  
在雖有五萬有餘其實今不如昔近調薊州兵馬俱  
各零分營寨設伏是以遼東緊用之兵而守關西少  
緩之地彼賊何日而來我兵何日可回要將兵馬三千  
行令掣回本鎮防守以後不許請調一節查得遼

東官軍自來不曾徵調自正德六年調取以後遂襲  
為例誠有如張貫等所論者近日宣府巡撫都御史  
王純先奏要調遼東官軍口外殺賊薊州巡撫都御  
史李瓚隨奏要調遼東官軍防守薊州邊關建議者  
又往往以團營人馬不堪調用為言管營者又切切  
以團營人馬不必揀選為意本部慮恐一時虜寇侵  
犯深入只得依都御史李瓚所擬又因左都督劉暉  
奏准徵調遼東人馬二千在於薊州駐劄皆救濟一  
時不得已之計今若又依都御史張貫等所奏即使  
掣回是征伐調遣不出於

朝廷而紛紜論列各係於藩鎮揆之政體甚非所宜  
合無將見調到遼東人馬三千仍依原擬薊州駐劄  
聽候調用待後賊情稍緩具奏掣回以後務遵舊規  
不許似前擅擬奏調其遼東賊情行令總兵官韓墮  
等務要用心協力挑選精銳官軍相機戰守保固地  
方不可推稱調兵懷忿誤事再照奏內開稱本鎮食  
糧冊內雖有官軍八萬三千八百一十七員名見在  
實有五萬五百七十八員名一節切緣官軍八萬實  
有五萬其餘三萬數內未審為何俱不堪用及兎在  
五萬數內又未審為何必待令調薊州三千方可戰

守若使今調三千可以控制遼東三面夷虜則其餘  
八萬之數盡是冗食無用節年科道等官建言清查  
并近日給事中殷雲霄朱鳴陽等具奏事理正慮各  
邊有此冗兵情弊合無本部行文都御史張貴督同  
管糧郎中并布按二司守巡官查照本部節次題准  
事理逐一清查回奏務使冗兵沙汰邊儲節省緩急  
得用不誤事機正德十一年五月二十九日具題奉  
聖旨是遼東官軍已調到薊州駐劄的查原擬行事  
寧具奏掣回今後若無緊急賊情不許輒議掣調邊  
兵防守內地冗兵情弊便着清查了來說欽此

為夷情事

看得巡撫遼東都御史張貫等所奏撫處夷虜防範事情似為周備但開原地方今年五月內失事見今查勘未報胥係分守等官平日踈於防範怯於戰鬪致使地方人民盡受其害今福餘衛虜酋聚衆三千乞討賞賜雖稱講和入市其實探我虛實邀求不遂必肆侵犯慮恐鎮巡等官計處不周仍蹈覆轍合無本部馬上齋文交與都御史張貫會同太監總兵官再行計處將掣回遊擊兵馬隨宜督發前去協同防守如果各虜解放弓箭罄身入市必須整飭武備懾

之以威照例賞勞懷之以恩仍明白曉諭各修世貢  
勿聽奸夷誘利自取誅夷若果梟獍不服欲肆侵犯  
亦要振揚兵威相機戰守務挫其鋒固不可輕率審  
謀墮於賊計亦不可懷疑示怯致誤事機如違責有  
所歸正德十一年九月十七日具題奉

聖旨是這處置防守事宜都依擬行欽此  
為計處夷情以靖地方事

看得遼東巡撫都御史張貫鎮守太監鄭原總兵官  
韓璽奏要會官計議行今彼等挑選各路兵馬分為  
奇正哨掖整搠齊備督令各該副叅等官統領分授

一齊出境直至犯邊賊營若係長壯達賊盡行誅戮  
報官幼男婦女俾獲解京巡按御史與守巡官員隨  
營紀錄功次管糧郎中督運糧料軍前應用焚彼巢  
穴毀其委積振旅而還等因臣等議得禦夷之道撫  
剿二者不可偏廢撫剿之法順逆二者不可混施查  
得成化十四年建州海西夷人犯邊都御史陳誠主  
於剿侍郎馬文升主於撫以剿為是者病撫之不能  
息兵以撫為說者忌剿之或啓邊釁卒之

命將出師擣巢殺戮雖威振殊俗而至今藉口恩欲  
邦讐蓋由撫剿之勢有所偏執而不能審順逆之宜

故也今建州等賊叛服不常乘機寇掠節次侵犯開  
原清河鹹城瀘陽等處殺死官軍殘害地方照依成  
化年間事例興師問罪未為不宜但詳奏內建州左  
衛都督脫原保等說稱宇速合金奴尚叟四等做了  
賊我們勸化他不從建州左衛都督尚哈說稱有都  
督牙委哈的兒子金奴尚叟四與左衛趙士四哈桑  
失哈四箇人商量做賊我們攔當他不住等情顯是  
中間亦有歸化效順之人若便搗巢殺戮未免玉石  
不分成化十四年本部尚書余子俊等所議以為寧  
成功於門庭之間勿遠致於敵人之境來則擊之使

無遺類去則置之不必窮追等語誠為至論近月鑿  
陽等處節報賊衆三千入境斬首五十三顆

國威自振虜自知畏何必搗巢盡誅然後快心合無  
照依成化十四年事例不必會議本部馬上齋文交  
與遼東鎮巡等官督令通事人等於各夷近邊答話  
及入市交易之時宣諭

朝廷恩威大意謂爾等世受

國恩每年進貢食資甚厚今速長加等自作不靖犯  
我邊境

朝廷欲照成化年間事例整點人馬搗爾巢穴大加

殺戮使爾種類無遺事無難舉但念中間必有歸化  
效順之人如都督脫原保等所說情詞不忍一槩誅  
戮今後務須堅守臣節敬順

朝廷不許聽信奸夷誘引一槩犯邊各夷中間有能  
擒斬速長加等曾經犯邊賊者鎮巡等官審實真  
奏大加陞賞以酬其功決不失信將宣諭過緣由回  
奏查考其鎮巡等官務要協謀計議料度虜情調集  
精兵預謀戰守夷人納款進貢交易照例施行倘來  
犯邊督兵剿殺如近日駿陽舊古河之捷陞賞自不  
吝惜若賊勢敗散料無伏兵亦許乘勝追逐出境剿

殺但不許搗巢窮追妄殺無辜或墮賊奸計責有所  
歸本部仍通行府部院寺科道等衙門但有處置遼  
東夷情長策本部計慮所不及者悉聽明白陳奏采  
擇施行正德十一年十月二十八日具題奉

聖肯是這宣諭等項事宜恁每既議處停當看鎮巡  
等官都依擬行欽此

正德十二年三月遼東鎮巡官奏報捷音分守開原  
右叅將孫棠領兵追斬犯邊達賊首級九十五顆  
為傳報逆虜戕害官軍請復本鎮兵馬拯救地

方事

看得巡撫遼東都御史張貫等奏稱正德十二年四月二十四日達賊三千人馬從清河堡地方鴉鶻關進入射死隊伍官軍周錦等次日卯時射死都指揮徐政指揮班錯康繼宗等官軍不知的數及稱遼東地方諸夷相鄰三面受敵一聞精兵薊州聽征乘隙絡繹而來乞要計議如果口裏地方稍緩速將肅淳等官軍督發前來應援以救緊急待候事寧仍聽調征一節參照鎮守遼東總兵官韓璽巡撫都御史張貫太監郭原與副總兵孫文遊擊林睿等明知建州毛憐海西三衛達子陰謀構結要來犯邊不行用心

謀議選調人馬申嚴號令預備戰守止憑文移轉行  
口謹防範以致衆寡不敵損折官軍通屬誤事俱合  
拏問但見今彼處賊情未寧緊關用人中間失事情  
罪輕重未經查勘明白合無請

勅切責韓爾張貴郭原孫文林睿等各令戴罪殺賊  
洗心滌慮加意籌畫查勘鄰近三衛達子地方城堡  
如果原設兵少不堪禦敵應詎作何調取備禦可保  
無虞應施行者就便從宜施行應具奏者奏請定奪  
仍要嚴督守把按伏等官今後務要嚴謹烽堠多方  
哨料賊衆多寡務在先知以為進止可戰則戰固不

可嬰城自衛縱賊搶掠可守則守亦不可貪功輕出  
致墮賊計各官果能悔過立功亦可少贖前罪如或  
無功再有失事

國典俱在必難追逃本部仍咨都察院轉行巡按遼  
東御史親詣前項地方查勘失事起根情由各官情  
罪輕重并有功陣亡官軍逐一明白具奏定奪應提  
問者就便提問干礙韓璽等指實叅奏施行及照遼  
東一鎮食糧官軍八萬有餘自正德六年以來節次  
調取二三千人前往山東河南江西等處殺賊前項  
事例卷見存非由今日創始中間又曾調在山東

無事防守亦曾屢調薊州無事防守彼時未聞建州  
三衛夷人乘隙入寇去年九月內遼東鴻陽等保達  
賊犯邊官軍斬首五十三顆彼時遼兵三千正在宣  
府殺賊未回今年四月二十一日廣寧地方達賊犯  
邊官軍斬首二十七顆彼時調來薊州官軍三千亦  
已起程前項二處獲功未聞籍此三千之數及查遼  
東官軍先年不過五六萬精銳可用歲用糧草除本  
處屯糧及山東麥價希花外京運銀不過五萬兩後  
因巡撫官員不能修復舊規往往生事召募軍添八  
萬有餘年例增銀至一十五萬兩又每年開中鹽課

常告缺乏臣等為因遼東軍多無用奏行查勘張貫等朦朧回稱除冬操夏種守臺步軍外止有堪戰官軍五萬本部又於去年五月內奏奉

欽依行張貫等上緊查勘回奏延今一年之上廢格不行已訣本部別本參奏外今張貫等乃以清河堡失事歸咎於劉暉所選人馬要行發回不開清河堡官軍劉暉選帶數內有幾若依所奏發回亦必各散城堡其於清河堡有何相干顯是張貫等既無謀畧以防邊又假浮詞以遮飭變亂是非沮撓軍法尤為有罪查得叅將蕭溝原領見在薊州騎劄人馬三千

為因宣大守臣奏報虜衆入營近邇住牧見訣本部  
議擬奏請調去宣府防禦外張貫等所奏難准其奏  
稱額運銀兩不得接濟乞要早發前來一節合行戶  
部查奏定奪正德十二年五月十八日具題奉

聖旨是郭原韓璽張貫等都寫勅切責着戴罪殺賊  
待地方稍寧着巡按御史備查失事情由并各訣官  
員功過大小一併奏來定奪欽此

為議處邊夷朝貢事

議得自古制馭夷狄之道服則懷之以恩叛則懾之  
以威處置得宜彼自畏服今遼東鎮巡官太監郭原

總兵官韓璽都御史張貫各能宣布

朝廷恩威齊降

勅旨致夷信服取有三衛不致侵犯邊境印信番文  
事雖若細實關

國體所據各官誠可嘉獎合無本部行文鎮巡官時  
常約束副總兵及沿邊備禦通事等官務要各遵原  
題奉

欽依內事理料度虜情預謀戰守夷人納款進貢照  
例施行倘來犯邊督兵勦殺有功陞賞不吝若賊勢  
敗散料無伏兵亦許乘勝追逐出境勦殺但不許擄

巢窮追妄殺無辜或墮賊奸計亦不許因其納款懈弛邊備致有疎虞正德十二年八月二十三日具題奉聖旨是這夷人既已聽從宣諭不敢犯邊恁部裏還行文與鎮巡等官着約束各該將領不許輕易出兵待其來貢務要隨宜撫待使知畏威懷德其餘事宜都着依擬行欽此

為缺衣禦寒事

看得遼東右參將署都指揮僉事蕭澤呈稱原選調宣府征進官軍來時各穿夏衣即今八月天氣漸寒缺錢置買綿花乞要給衣禦寒一節查得常年各邊

調來策應官軍原無另給胖襖袴鞋事例前項正德八年延綏遊擊李愷官軍三千員名調來山西策應正德九年遼東遊擊林霽調來薊州住劄俱設工部并本部議擬奏

准給與胖襖袴鞋蓋念調征之苦時將寒凍不能自備衣鞋所以不拘常例給與實非過也今遼東官軍自遼東遠來調去宣府住劄策應又非先年遊擊李愷調在山西住劄之比若不准給軍士受凍致疾將何責其効力殺賊若遼東官軍既准給與其延綏官軍連年調出在外比之遼東官軍勞苦尤甚若不一

例准給誠恐

恩惠不得均普致生嗟怨合無本部咨商工部查照  
前項李欽林虜事例不為常例將蕭淳杭雄朱鑾周  
政各領官軍俱照數查給胖襖袴鞋庶使調出在外  
軍人不受寒凍緩急可用正德十二年八月二十八

日具題奉

聖旨是蕭淳并杭雄等所領遼寧官軍俱准照數與  
胖襖袴鞋不為例欽此

為夷人買送被虜官軍乞要朝貢事

看得巡撫遼東都御史張貫等題稱夷人都里等先

年原在開原地方朝貢後因海西達賊挾讐殺害躲在建州地方寄住今用人畜買贖官軍王良等送來齋執

勅書要於撫順地方進貢查得舊例海西夷人逈年開原進貢每衛原額不過五名今都里等欲向撫順朝貢不係舊規乞要從長計議合無俯就夷情暫令今歲撫順入貢以酬其勞後不為例惟復仍照舊規開原朝貢送到之人定與犒賞之資其王良等係臨陣被虜送回人員在懲否問擬免罪伏乞

聖裁定處一節照付各處夷人進貢放入地方俱有

定所行之年久今遼東鎮巡官奏要撫順夷情暫准  
忽石門衛夷人都里等從撫順所入貢事當謹始本  
難輕准但都里笙<sup>寸</sup>贖取被虜官軍而來情有可嘉又  
稱恐海西達賊讐殺不敢往開原經過詞有可據況  
該貢不過五名若就阻回恐失夷人向化之心合無  
本部行文鎮巡官再加詳議都里等果因懼賊讐殺  
要從撫順所入貢別無窺避違礙暫准今歲入貢一  
次後不為例其贖送官軍勤勞就聽鎮巡官斟酌計  
議給賞犒勞務得其宜千戶王良軍人秦仲加力屈  
降虜雖被贖回終屬有罪令無行巡按御史提問查

議發落并查原將王良秦仲加捏作射死陣亡經該人員一併提問施行正德十二年十二月十八日具題奉

聖旨是依擬行欽此

為傳奉事

本部欲便遵照傳奉

欽依內事理行翰林院請寫

勅書但今山海關見有守備指揮季英及有主事黃綬守把今又添分守內臣誠恐職掌不一設官過多及查潼關係是陝西河南腹裏經行關口舊例不曾

設有內臣分守本部不敢擅擬責任合無山海關照  
舊令守備指揮與主事寸把潼關照舊令本衛官軍  
守把太監王秩黃玉侯各有各處額設分守官員缺委  
用正德十三年三月二十一日具題奏

聖旨已有旨差用了寵欽此

為朝貢事

看得巡撫遼東都御史張貫等題稱正德十二年閏  
十二月內有建州左衛都督脫原保等一百餘名到  
驛說稱賊首奏事九山等帶領三千人馬到草成寨  
請要講話等因隨令指揮劉尚德等速差通事佟斌

等出境分按前去建州等三衛地方曉諭各山谷  
都已說過陸續各帶方物前來朝京及稱建州三衛  
等夷獍狠狠貪叛服糜定成化年間屢肆荼毒再煩  
王師財力大耗禍變方消正德八年海西加哈義等  
賊謀作不靖勞撫安之使費府庫之財荷戈之卒暫  
得息肩今建州賊首敵殺官軍剽掠人畜仰惟

皇上明見萬里採兵部建議之長假臣等撫剿之便  
是以威伸興威德化殊方皆我

皇上聖神廟謨宏遠之所致也必須處置停當方得  
夷情畏服及稱招諭指揮王綱劉尚德各能極承德

意事有成效指揮白本千戶董欽百戶許寧舍人佟  
斌王用白果等親冒危險收撫叛亂乞要遇有前夷  
到京再加從長議處分別善惡量加區處或照切責  
勅旨曲賜涵容其番文所乞情詞亦須審其情之逆  
順斷以理之從違諭彼遵奉永不藉口其劉尚德等  
仍查先年通事馬俊等事例應否量與

恩典以勵其餘等因臣等議得遼東建州等衛夷人  
節年犯邊遼陽一帶被其侵擾歲無虛月鎮巡官憤  
其怙惡稔亂奏欲徵調士馬為犁庭掃穴之舉本部  
慮恐勤兵境外非計之得故敢據理論奏荷蒙

皇上神武不殺特加採納俯賜施行都御史張貫等  
乃能盡心籌畫處置得宜故三衛夷人相率來朝既  
非啖之以繒幣又非示之以怯弱

國體以正地方得安合無將今次來朝夷人候到齊  
之日本部照例會同禮部堂上官督同大通事等官  
於禮部明白省諭宣布

朝廷寬大之恩釋其既往犯順之罪與之更始以廣  
我推誠之道以堅彼效順之心其求討事情待審文  
到日另行查議奏請定奪各夷例有管待下程賞賜  
等項各該衙門務要比當豐潔整齊以示優待如有

遲慢聽提督主事舉呈查究通事指揮白本千戶董  
欽百戶許寧舍人佟斌王用白永等親冒危險收撫  
叛亂及指揮王綱劉尚德祇承德意事有成效比與  
先年馬俊招撫事例尤為得體相應激勸但數內佟  
斌王用白永俱係舍人例難陞用合無行令鎮巡官  
動支官錢將通事白本等六員名指揮王綱等二員  
各厚加賞賚以勵将来再照正德八年海西夷人加  
哈义等叛亂特差大臣往彼招撫增賞添貢勞費失  
體彼時鎮巡官俱得賞賚今都御史張貫等無彼之  
費而有彼之功合無請

欽定四庫全書

肯獎勵仍各量加賞賚臣等未敢擅擬伏乞

聖裁正德十三年五月十六日具題奉

聖旨是來朝夷人待到齊之日省諭等項事宜都依  
擬行白本等并王綱等准各陞一級鎮巡官各賞銀  
二十兩綺絲三表裏還寫勅獎勵欽此

會同禮部省諭遼東進貢夷人詞語

比先

朝廷有例不許邊外殺你達子你每大意不肯照依  
常例進貢分外求計賞賜少不如意便來邊上作歹  
邊上人馬又不敢擅出邊外與你廝殺以此達子慣

了常來犯邊正德十一年遼東鎮巡官奏要動調大  
勢人馬照依成化十四年事例搗巢殺戮

朝廷念爾等係是外夷不知利害中間又有不作反  
的一槩殺了不可特

勒遼東鎮巡官整點人馬但來犯邊就便痛加剿殺  
亦許出邊追殺若不犯邊不去殺你若來照舊投順  
進貢也許你此

朝廷莫大天恩與你每外夷不一般見識這等做向  
後達賊又來犯邊官軍奮勇廝殺該殺了多少達子  
你每都是知道的今你每畏懼

朝廷法度情願順服照舊進貢永不作反  
朝廷甚是歡喜今以禮管待你每回去

勅令省諭你每務要傳說與衆夷人知道今後各守  
本分不許再來犯邊也不許分外求討添人添貢為  
何中國錢糧有限進貢夷人數目是洪武永樂年間  
太祖太宗皇帝定的誰敢輕易許你加添凡事只宜  
常便好若要生事作歹挾制討便宜這事都壞了各  
要記着以後效順年久不作歹你為頭目的自有大  
恩典

為虜渠向化求討陞職事

看得遼東鎮巡等官都御史張貫等題稱會議得都指揮滿蠻番文內稱節次將賊達子搶的漢人神館奪下送來在邊出力報事猪兒年失落了都指揮勅書音欲討陞又稱本夷授職以來本枝部落沿邊一帶並無犯邊忠信向化恪守信義合無俯念歸向之誠嘉其恪守之節不為常例別換

勅書賜與以勉其勤勞或量與陞錄以勵其餘一節臣等議得夷人受職不過羈縻之法以堅其向化之念非如中國官職有祿俸之費也今奉寧衛都指揮僉事滿蠻先該遼東鎮巡官鄧璋等具奏陞職今遼

東鎮巡官張貫等又奏換給

勅書或量與陞祿皆以並無犯邊忠順向化為詞且如朵顏衛都督花當并其弟夫林李羅鎮巡官奏與都督職事近年以來不時犯邊及至朝貢過期

朝廷念係夷狄姑准入貢不問其罪今泰寧衛都指揮滿蠻自來不曾犯邊誠心內附加授官職似不為過合無於滿蠻原職都指揮僉事上量加陞職請給勅書賚付鎮巡官處差人給付滿蠻收執令其管束部落堅守臣節正德十三年十月二十四日具題奉聖旨是滿蠻准陞都指揮同知欽此

為朝貢事

看得委官員外郎邊寧主事趙伸會同大通事右少  
卿舍誠等譯審得夷人一名同忽忽納哈係建州右  
衛都指揮僉事咬納長男又夷人一名阿涅哈係建  
州右衛都指揮僉事亦令哈長男咬納已死亦令哈  
患病各頂名來貢各不知

勅書改洗接補緣由再三研審執稱前因別無證驗  
虛實難信等因參照指揮劉尚德通事千戶王鉞等  
既驗

勅書接補改洗不合不行省諭阻止以致各夷頂冒

都指揮官職赴京進貢冒領賞賜事屬有違合無本部移咨都察院行巡按遼東監察御史將劉尚德等提問依律議擬照例發落及照鴻臚寺通事劉恩龔寬金錢王臣承委覆審亦不用心審驗回稱並無頂冒已該本部題准繳換行取原

勅到部揭查堂稿底簿並無咬納亦令哈姓名行令覆審方纔得知頂名情由亦含有罪合無將劉恩等各量加罰治惟復一體提問伏乞

聖裁及照原来

勅書二道既有接補改洗情弊查無底簿顯有詐偽

合無本部差人將原

勅書二道賚送遼東巡撫都御史處交割會同鎮巡  
官將見拘留夷人同忽忽哈納阿捏吟再行多方設  
法譯審果各係交納亦令哈長男事有證驗省諭各  
夷回衛鎮巡官明白具奏准其襲替繳換

勅書若不係交納亦令哈長男俱係別夷頂冒再無  
可疑責其罪過念係外夷姑容放回以後再犯參究  
治罪接補

勅書二道送資東都司收貯以備查照今後鎮巡官  
驗放夷人進貢務要審驗

勑書明白真正方許放入如恐阻回嗟怨止許以本等夷名驗放毋容頂冒官職致傷

國體亦不許指此一槩阻絕致生他虞如或處置乖違咎有所歸正德十四年三月十一日具題奉

聖旨是劉尚德等提了問劉恩等也當提問且饒這遭還各罰俸四箇月今後夷人進貢着鎮巡官依據驗放欽此

為陳情辯理功罪乞恩比例分豁以圖後效事  
查得俞雄原任都指揮僉事正德十年四月并閏四  
月內該管地方被達賊二次虜去軍人三名該巡按

御史問擬守備不設罪名參稱情輕律重正德十二年四月內都察院覆題奉

欽依將俞雄發邊衛充軍俞雄又於正德十一年四月內被賊虜去臺軍七名亦訣巡按御史問擬守備不設罪名訣都察院亦於正德十二年四月內審贖奉欽依將俞雄降二級緣俞雄正德十年十一年二次所犯俱係被賊虜去守墩軍人都察院俱於正德十二年四月內覆題奉

欽依將被虜三名者發邊衛充軍被虜七名者降二級今因俞雄奏辯又奉

欽依於原職內降一級若以先犯充軍原職論係都指揮僉事以後犯降級論原職係指揮同知今欲於原職內降用合無於都指揮僉事原職上降一級與做指揮使惟復於已降指揮同知原職上降一級與做指揮僉事臣等難以定擬伏乞

聖裁正德十四年三月十六日具題奉

聖旨是俞雄原失事二次先後勘問明白已有旨降二級與做指揮同知欽此

晉溪本兵敷奏卷二終